



## Universitätsbibliothek Paderborn

**De Honore, Dignis Vel Indignis, Jvste Vel Invste, Deo  
Semper Jvstissimo, Dato, Negato, Violato**

**Stengel, Georg**

**Ingolstadii, 1650**

§. 11. Varijs modis, sed maximè inuocatione Sanctos honorari.

[urn:nbn:de:hbz:466:1-48689](https://nbn-resolving.de/urn:nbn:de:hbz:466:1-48689)

## §. XI.

*Varijs modis, sed maxime inuocatione Sanctos  
honorari.*

Hanc consecrationem alij deinde, atque Sabelli  
alij sequuntur honores, imagines, aræ, ora-<sup>l. 10, c. 14.</sup>  
toria, sacella, templa, festi & solennes dies,  
ieiunia, vigiliae, & omnifariâ factæ ceremoniæ,  
quas Christo regi, & sacratissimæ eius  
militiæ decernit humana pietas; quæ tantò  
sunt ceteris honoribus, qui in terris decer-  
nuntur, maiores sanctioresque, quanto san-  
ctior illorum fuit vita, quam reliquorum  
hominum, qui omni ævo floruerunt. Tem-  
pla Sanctis erecta, testantur Romæ Basili-  
ca D. Petro in Vaticano & Ostiensi via, &  
altera D. Paulo, vtraque immani amplitu-  
dine & apparatu visendo consecrata, item-  
que tertia Lateranensis Ioanni Baptista; &  
quarta Pantheon antea dicta, postea Dei  
Matri Mariæ, aliæque alijs Diuis, & Ro-  
mæ, & vbiique gentium & terrarum dedi-  
catæ. Neque sane festa Sanctorum aliò re-  
spiciunt, quam ut ijs diebus præcipua qua-  
dam veneratione colantur, enim uero, ut  
tamquam patroni & aduocati nostri inuo-  
centur. Quod à nobis faciendum esse, an-  
tiqui PP. Nectarius, Ephræm, Nazianze-

rus,

nus, Nyssenus, Ambrosius, Chrysostomus, Augustinus, & posteri omnes suo exemplo docuerunt; quem cultum Ecclesia & vsu, & doctrina semper approbavit; nec sine insigni fructu. Quot enim & quanti, per huius, aut illius Sancti inuocationem & patrocinium iam morbos corporis; iam animi molestias ac temptationes; iam lumen intellectus; iam donum sobrietatis vel castitatis impetrauerunt? Pendent in templis anathemata; loquuntur tabellæ; nos ipsi quot vidimus, audiimus, Sanctorum ope, è flammis & fluminibus, è peste, è carcere ereptos? ut negare experientias tam claras, sit lumen solis meridiani velle extingue. Certè inuocari Sanctos in hac vita existentes & piè, & utiliter, ostendit D. Paulus,

**Coloss. 4.** quando scripsit: *Orationi instate, orantes si-  
2. mul & pro nobis: iterumq;: Fratres orate pro  
2. Thess. nobis, ut sermo Dei currat, & clarificetur, sicut  
3. 1i. & apud vos.* Quod si Sanctos licet inuocare in hac vita existentes, idq; & pium, & utile est, & fit exemplo Pauli, cur non liceat, & utile fit, inuocare item & Sanctos cum Christo regnantes? aut cur eorum oratio sit minus efficax, quam eorum, qui adhuc in hac vita peccare, & Deum offendere possunt?

sunt? Orare autem & defunctos pro viuis,  
ostensum est Machabæo. Erat autem huius- 2. Mach.  
cemodi visus: Oniam qui fuerat summus sacer- 15. 12.  
dos, virum bonum & benignum, verecundum  
visu, modestum moribus, & eloquio decorum,  
& qui à puero in virtutibus exercitatus sit, ma-  
nus protendentem, orare pro omni populo Iudeo-  
rum: Post hoc apparuisse & alium virum, orare,  
& gloria mirabilem, & magni decoris habitudi-  
ne circa illum: Respondentem vero Oniam di-  
xisse: Hic est fratrum amator, & populi Israël:  
hic est, qui multum orat pro populo, & univer-  
sa sancta ciuitate, Ieremias propheta Dei. Ex-  
tendisse autem Ieremiam dexteram, & dedisse  
Iude gladium aureum, dicentem: Accipe san-  
ctum gladium munus à Deo, in quo deicies ad-  
uersarios populi mei Israël. Potuit Onias, po-  
tuit Ieremias orare pro populo, cur alij non  
possunt? Hanc opinionem communem  
fuisse, apud Iudeos, etiam Christi tempo-  
re, illa confirmant, quod, cum Seruator  
noster in cruce clamaret: Eli, Eli, lamma Sa- Matthæ  
bactani, quidam illic stantes & audientes, vti- 27. 46.  
que ex consuetudine inuocandi sanctos, di-  
cerent: Eliam vocat iste, itemque, sine, vi-  
deamus an veniat Elias liberans eum. Non di-  
ixerunt, quid Elias vocat? Elias non audit,  
gratis

gratis ergo eum vocat : nec dixerunt , Elias non potest eum liberare ; sed , videamus , an veniat Elias , & liberet eum . Crediderunt ergo , eum , si vellet , posse ; an autem libera- turus esset , dubij fuerunt . Inuocemus igitur & nos quotidie Sanctos in cælo existen- tes , dicamusq; S. Maria , ora pro nobis : S. Michael , ora pro nobis : S. Ioannes Baptista , ora pro nobis : S. Petre , ora pro nobis : omnes Sancti & Sanctæ Dei , intercedite pro nobis &c. Ita honoramus , quos inuocamus , tamquā potentes succurrere.

## §. XII.

*Contra inuocationem Sanctorum quam infirmi  
argumenta afferantur?*

Neque sanè hic honor Sanctis exhibitus , est Deo iniuriosus . Si enim S. Paulus Deo non intulit iniuriam , quando Sanctis in- terra scriptit : orationi instantes , orantes simul & pro nobis ; cur iniuriam inferat is , qui San-ctis in cælo existentibus dicit : orate pro no- bis ? At Deus vult solus adorari ? quid cum an inde conficitur : Ergo non licet inuocare Sanctos in cælo ? Si hoc rectè colligitur , re- ctè etiam colligetur : Ergo non licet inuoca- re Sanctos in terra . Atqui hos licet cum Paulo , ergo & illos licet inuocare . Neq; re- stiūs

Coloss.  
4, 2.